


ЯНГИ ҲАЁТ УЧУН, ЯНГИ ЎЗБЕКИСТОН УЧУН!

Тирик, мағрур, ҳақ сўз қуролимиз бўлсин!



Ватан ягонадир,
Ватан биттадир

— 2024 йил— Ёшлар ва бизнесни қўллаб-қувватлаш йили —
Ассалому алайкум, азиз муштарий!

ЎСТИҚВОЛ ҲОҲИ

Қўштепа туманининг ижтимоий-сиёсий, маънавий-маърифий газетаси

1943 йил 6 мартдан чиқа бошлаган

www.istiqbolyuli.uz

istiqbol.43@umail.uz

2024 йил 6 январ № 1 (8490)

Халқ депутатлари Қўштепа тумани Кенгашининг қарори

2023 йил 28 декабр

ВИ-62-114-11-157-К/23

Қўштепа туман ҳокимлиги

ҚЎШТЕПА ТУМАНИНИНГ 2024 ЙИЛГИ МАҲАЛЛИЙ БЮДЖЕТИНИ ТАСДИҚЛАШ ТЎҒРИСИДА

Ўзбекистон Республикаси «Маҳаллий давлат ҳокимияти тўғрисида»ги Қонунининг 6, 24-моддалари, Бюджет кодексининг 27, 99-моддалари, «2024 йил учун Ўзбекистон Республикасининг Давлат бюджети тўғрисида»ги 2023 йил 25 декабрдаги Ўзбекистон Республикасининг 886-сон Қонунига мувофиқ ҳамда Ўзбекистон Республикаси Ҳисоб палатасининг 2023 йил 7 ноябрдаги 02-1160-сонли ва Иқтисодиёт ва молия вазирлигининг 2023 йил 25 декабрдаги 01/30-2-10353-сонли хатларини инобатга олиб, Ўзбекистон Республикасининг «Маҳаллий давлат ҳокимияти тўғрисида»ги Қонунининг 6 ва 24-моддаларига асосан халқ депутатлари туман Кенгаши ҚАРОР ҚИЛАДИ:

1. Халқ депутатлари Фарғона вилояти Кенгашининг 2023 йил 28 декабрдаги «Фарғона вилоятининг 2024 йилги маҳаллий бюджетини тасдиқлаш тўғрисида»ги ВИ-63-125-11-0-К/23-сонли қарори раҳбарлик ва ижро учун қабул қилинсин.

2. «2024 йил учун Ўзбекистон Республикасининг Давлат бюджети тўғрисида»ги Қонуни лойиҳасига асосан, ишлаб чиқилган Халқ депутатлари Фарғона вилояти Кенгашининг 2023 йил 28 декабрдаги «Фарғона вилоятининг 2024 йилги маҳаллий бюджетини тасдиқлаш тўғрисида»ги юқоридаги қарорига мувофиқ, Қўштепа тумани маҳаллий бюджетининг 2024 йилги даромадлари 91 637,8 миллион сўм ва харажатлари 210 991,4 миллион сўм ҳамда юқори бюджетидан ажратилган тартибга солувчи бюджетларaro трансфертлар 119 353,6 миллион сўм миқдоридан, шундан, акциз солиғи тушумлари ҳисобидан ажратилган маблағлар 35 290,8 миллион сўм миқдоридан тасдиқланганлиги

маълумот учун қабул қилинсин.

3. Қонун билан қуйидагилар тегишinchа Қорақалпоғистон Республикасининг республика бюджетидан, вилоятларнинг вилоят бюджетларидан ва Тошкент шаҳрининг шаҳар бюджетидан, туманлар ва шаҳарлар бюджетларидан молиялаштирилиши:

Солиқ қўмитасининг ҳудудий органларини сақлаш харажатлари;
Ўзбекистон Республикаси Иқтисодиёт ва молия вазирлиги ҳузуридаги Кадастр агентлигининг ҳудудий органларини сақлаш харажатлари;
Ўзбекистон Республикаси Президентининг Қорақалпоғистон Республикаси, вилоятлар ва Тошкент шаҳри, туманлар ва шаҳарлардаги Халқ қабулхоналарини сақлаш харажатлари;
суд бошқарувчиларининг меҳнатига ҳақ тўлаш билан боғлиқ харажатлар.

Шунингдек, Қорақалпоғистон Республикасининг республика бюджетидан, вилоятларнинг вилоят бюджетларидан ва Тошкент шаҳрининг шаҳар бюджетидан қуйидаги-

лар молиялаштирилиши:

Қорақалпоғистон Республикаси, вилоятлар ва Тошкент шаҳрининг умумий ўрта таълим ташкилотлари, мактабгача таълим ташкилотлари, соғлиқни сақлаш муассасалари объектларини лойиҳалаштириш, қуриш (реконструкция қилиш), мукамал таъмирлаш ва жиҳозлашга, шунингдек, суғориладиган ерларининг мелiorатив ҳолатини яхшилаш тадбирлари доирасида объектларни лойиҳалаштириш, қуриш (реконструкция қилиш), мукамал таъмирлаш ҳамда таъмирлаш ишларига доир харажатлар;

касб-хунар мактаблари, коллежлар ва техникумларни сақлаш харажатлари, қуйидаги маҳаллий бюджетдан молиялаштириб келинаётган харажатлар:

кам таъминланган оилаларга болалар нафақаларини ва моддий ёрдамларни тўлаш;

Ўзбекистон Республикаси Президенти ҳузуридаги Ижтимоий ҳимоя миллий агентлигининг тизим ташкилотларини (болалар ва меҳрибонлик уйлари, вояга етмаганлар билан ишлаш секторлари ҳамда оилавий болалар уйлари) сақлаш харажатлари;

Қарши магистрал каналдан фойдаланиш бошқармасини, Қорақалпоғистон Республикаси Сув хўжалиги вазирлиги ҳамда ирригация тизимлари ҳавза бошқармалари ҳузуридаги насос станциялари ва энергетика бошқармаларини, шунингдек, сув

омборларидан фойдаланиш бошқармаларини сақлаш харажатлари;

Ўзини-ўзи бошқариш органлари (маҳаллалар)ни нодавлат нотижорат ташкилот ва бюджетдан маблағ олувчи сифатида сақлаш харажатлари республика бюджетидан молиялаштирилиши белгиланганлиги маълумот учун қабул қилинсин.

4. Қуйидагилар:

Қўштепа тумани маҳаллий бюджет даромадларининг 2024 йилдаги асосий прогноз кўрсаткичлари 1-иловага;

Қўштепа тумани маҳаллий бюджет харажатларининг 2024 йилдаги асосий прогноз кўрсаткичлари 2-иловага мувофиқ тасдиқлансин.

5. Қарорга кўра:

туман бюджети шахсий ғазна ҳисобварақларида турган бюджет маблағларининг 2024 йилда йўл қўйиладиган энг кам миқдори 885,0 миллион сўм этиб белгиланганлиги;

туман маҳаллий бюджетининг 2024 йил учун захира жамғармаси 1 871,0 миллион сўм (тасдиқланган туман маҳаллий бюджетининг умумий харажатларининг жамоатчилик фикри асосида шакллантирилган тадбирларни молиялаштириш маблағларидан ташқари қисмининг камида 1,0 фоизи) миқдорда шакллантирилиши;

вилоят, туман ва шаҳарлар бюджетларининг захира жамғармалари маблағларини Бюджет кодексининг 73-моддасига мувофиқ, бюджет тизими бюджетлари шаклланти-

Давоми 2-бетда

Ҳар бир оила—тадбиркор

ИШ БИЛГАНГА ИМКОН БИСЁР

Интилиб, изланиб, ўзининг ҳам, юртининг ҳам бирини икки қилишга интилоқ бугуннинг талабидир. Ижтимоий фаол инсон бу ҳақиқатни тан олиб меҳнатга астойдил киришса, мақсадига эришадиган замон келди. Валижон Рўзиев ана шундайлар тоифасидан. Қишлоқ хўжалиги мутахассиси сифатида ердан фойдаланиш илмини яхши билган Валижон «Ҳар бир оила—тадбиркор» дастури доирасида қишлоқдан 30 сотих ер олиб, унинг 25 сотихида «Халқ» банкдан 450 миллион сўм имтиёзли кредит олиб, иссиқхона ташкил қилди. Ҳокимнинг маҳалладаги ёрдамчиси Маърифатхон Саидова ёрдами билан қишлоқдаги 10 нафар ишсиз аёлга иш ўрни яратди. Иссиқхонада помидор ва бодринг етиштиришнинг ҳаддини олган, ички бозордан ташқари маҳсулотни Россияга экспорт қилган тадбиркор ўтган йилнинг ўзида 150 миллион сўм даромад қилди.

—Оиламиз эҳтиёжидан орттирган даромадимиз ҳисобига ишимизни янада кенгайтириб, яна 10 та иш ўрни яратишни режалаштириб турибмиз,— дейди Валижон.—Иссиқхонамизга 40 квТли кўёш панели ўрнатиб, адашмабмиз. Бу йил 250 миллион сўм даромадни кўзлаб турибмиз.

Суратда: тадбиркор Валижон Рўзиев ишчи аёллар билан апрелда ҳосил берадиган қўчатларнинг ҳолатини кўздан кечирмоқда; ҳоким ёрдамчиси Маърифатхон, кредит берган банк вакили Шуҳратжон Мирзаматовлар вақти-вақти билан «АРК Камол Зие» масъулияти чекланган жамиятда бўлиб, меҳнат самаралари билан танишиб турадилар.



Матн ва суратлар муаллифи Бахтиёржон РЎЗИОХУНОВ.

ҚЎШТЕПА ТУМАНИНИНГ 2024 ЙИЛГИ МАҲАЛЛИЙ БЮДЖЕТИНИ ТАСДИҚЛАШ ТЎҒРИСИДА

Давоми. Бошланиши 1-бетда.

рилаётганда олдиндан назарда тутиб бўлмайдиган харажатларни, шунингдек, ижтимоий-иқтисодий беқарорлик юзга келган вазиятларда амалга оширилиши зарур бўлган тадбирларни молиялаштириш учун ажратилишини таъминлаш;

маҳаллий бюджетларни ижро этишда юқори турувчи бюджетдан уларга ажратилмайдиган бюджетлараро трансфертларнинг прогнозидан ошган қисми учун тегишли бюджетларнинг захира жамғармалари миқдорларига аниқлаштириш киритилмаслиги назарда тутилганлиги маълумот учун қабул қилинсин.

6. Қонун билан, халқ депутатлари Кенгашларини маҳаллий бюджетларни бошқаришда, хусусан, маҳаллий бюджет харажатларини худудий бюджет маблағлари тақсимловчилар кесимида тасдиқлаш ва уларнинг Кенгаш олдидаги ҳисобдорлигини белгилаш бўйича ваколатлари кенгайтирилганлиги инobatга олинсин.

Шунингдек, 2024 йилда:

а) қуйидаги солиқ турлари ва бошқа мажбурий тўловлар:

юримдик шахслардан олинмайдиган фойда солиғи;

қонун ҳужжатларида белгиланган миқдорларда давлат божлари (патент божи ва лицензия берганлик учун давлат божларидан ташқари); айрим товарларнинг чакана савдосига берилмайдиган ҳуқуқ учун ундирилаётган йиғимлар;

қонунчиликда белгиланган миқдорларда Ўзбекистон Республикасининг Давлат бюджетига ундирилаётган бошқа йиғимлар (божхона органлари томонидан ундирилаётган йиғимлардан, филдиракли транспорт воситалари, ўзиюрар машиналар ва уларнинг тиркамалари учун ундирилаётган утилизация йиғимидан, шунингдек, автотранспорт воситалари ойналарининг тусини ўзгартиришга (қорайтиришга) рухсатнома бериш учун тўловдан ташқари);

қонун ҳужжатларида белгиланган тартибда давлат бюджети даромадида ўтказилаётган мол-мулк, маҳаллий давлат ҳокимияти органларининг активлари бўйича ажратмалар ва дивидендлар;

бўш турган давлат мулк объектларини хусусийлаштиришдан тушган тушумлар;

ташқи реклама объектларини (конструкцияларини) жойлаштириш ҳуқуқини сотишдан тушган тушумлар;

бошқа тушумлар (ушбу банднинг «в» ва «г» қисмларида назарда тутилган даромадлардан ташқари барча даромадлар, шу жумладан, бюджет ташкилотлари асосий воситалари сотилишидан туман ва шаҳар бюджетларига тушумлар) вилоятнинг вилоят маҳаллий бюджетига тўлиғича ўтказилиши;

б) мобил алоқа хизматлари учун акциз солиғи ва алкоголь маҳсулотлари, шу жумладан, пиво ҳамда тамаки учун акциз солиғидан тушумлар 2023 йил 1 июл ҳолатига кўра туман ва шаҳар аҳолисининг вилоят аҳолисидаги улушига мувофиқ ўтказиб берилиши;

в) қуйидаги солиқ турлари: жисмоний шахслардан олинмайдиган мол-мулк солиғи; жисмоний шахслардан олинмайдиган ер солиғи; айланмадан солиқ;

якка тартибдаги тадбиркорлар томонидан тўланадиган даромад

солиғи;

давлат мулк бўйича ижара тўловларидан тушадиган тушумлар ҳамда бошқа тушумлар (фақат 3 450 950 даромад коди бўйича) шаҳар ва туманлар бюджетига тўлиғича ўтказиб берилиши;

г) қуйидаги солиқ турлари ва бошқа мажбурий тўловлар вилоят бюджети ҳамда шаҳар ва туманлар бюджетлари ўртасида тақсимланиш: қурилиш материаллари бўйича ер қаридан фойдаланганлик учун солиқ туридан тушумларнинг барча шаҳар ва туманларда 50 фоизи;

қонун ҳужжатларида белгиланган миқдорларда Ўзбекистон Республикаси Давлат бюджетига ундирилаётган жарималарнинг вилоят бюджетида 70 фоизи шаҳар ва туманлар маҳаллий бюджетига 30 фоизи; якуний истеъмолчиларга бензин, дизел ёқилғиси ва газ реализацияси қилишдаги акциз солиғидан тушумларнинг барча шаҳар ва туманларда 20 фоизи;

жисмоний шахслардан ундирилаётган даромад солиғидан тушумларнинг (якка тартибдаги тадбиркорлар томонидан тўланадиган даромад солиғидан ташқари) Фарғона шаҳрида 15 фоизи ҳамда бошқа барча шаҳар ва туманларда 50 фоизи;

юримдик шахслар ер ва мол-мулк солиғи ҳамда сув ресурсларидан фойдаланганлик солиғидан тушумларнинг барча шаҳар ва туманларда 50 фоизи;

ер участкаларига бўлган ҳуқуқларни сотишдан тушган тушумлар вилоят ҳамда шаҳар ва туманларда тенг улушларда 50 фоиз;

агар қонунчиликда маҳаллий бюджетларга ўтказилаётган даромадларнинг тақсимланиши назарда тутилмаган бўлса, даромаднинг ушбу тури вилоят маҳаллий бюджетига ўтказилиши маълумот учун қабул қилинсин.

7. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари А.Юнусов, туман Иқтисодиёт ва молия бўлими (И.Акбаров), туман солиқ инспекцияси (И.Марайимов) биргаликда 2024 йил маҳаллий бюджети учун белгиланган кўрсаткичларни ўз вақтида ва самарали бажарилишини таъминлаш чораларини кўрсин.

8. Белгилансинки:

Барча муассаса ва ташкилотлар томонидан 2024 йилда бюджет маблағларидан мақсадли ва самарали фойдаланиш, бюджет интизомига риоя этилиши устидан назорат ва масъулиятни янада кучайтириш, тегишли маҳаллий бюджетларга солиқлар ва бошқа мажбурий тўловларнинг тўлиқ тушумини таъминлаш ҳамда бюджет даромадлар базасини ошириш ва қўшимча резервларни аниқлаш зарурлигига алоҳида эътибор қаратилсин.

9. Туман солиқ инспекцияси (И.Марайимов) Ўзбекистон Республикаси Солиқ кодексига белгиланган ваколатларидан келиб чиқиб:

солиқларнинг тўлиқ ва тўғри ҳисобланишини ҳамда ушбу солиқларни ўз вақтида бюджетга ундирилиши устидан солиқ назоратини ўрнатиш;

ер солиғи, сув ресурсларидан фойдаланганлик учун солиқ ва мол-мулк солиқлари бўйича доимий таҳлиллар ўтказган ҳолда, солиқларнинг тўлиқ ҳисобланишини таъминлаш ҳамда

ушбу солиқ тўловлари бўйича солиқ қарздорлигига йўл қўймаслик чораларини кўриш;

айланмадан солиқ тури бўйича солиқ тўловчилар томонидан нақд пул айланмаларининг солиқ ҳисоботларида тўлиқ акс эттирилиши устидан доимий солиқ назоратини ўрнатиш ҳамда зарур ҳолларда хронометраж ва камерал солиқ назорати тадбирларини ўтказиш;

ер ва мол-мулк солиғининг солиқ базасини ошириш, яъни хатлов ишларини самарали ва мунтазам ташкил этиб бориш вазифалари юклатилсин.

10. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари А.Юнусов, тегишли корхона ва ташкилотлар раҳбарлари:

бюджет даромадлари ва харажатларининг прогноз кўрсаткичлари бажарилишини таъминлаш;

солиқ базасини кенгайтириш ҳамда иқтисодий салоҳиятини ошириш юзасидан зарур чора-тадбирлар белгилаш, бюджет маблағларидан мақсадли ва самарали фойдаланиш устидан қатъий назорат ўрнатиш;

тегишлилиги бўйича худудий бюджет маблағлари тақсимловчиларнинг бюджет маблағларидан самарали фойдаланилиши ҳамда эришилган натижалари бўйича ҳисоботларини халқ депутатлари маҳаллий Кенгашларига киритиб борилишини таъминлашсин.

11. Ўзбекистон Республикаси Президентининг 2022 йил 27 декабрдаги «Маҳалла бюджет» тизимини жорий этиш орқали маҳаллаларнинг молиявий имкониятини янада кенгайтириш бўйича қўшимча чора-тадбирлар тўғрисида»ги ПҚ-458-сонли қарорига асосан 2024 йилдан барча худудларда жисмоний шахслардан олинмайдиган мол-мулк ва ер солиғи учун белгиланмайдиган прогноз кўрсаткичларидан келиб чиқиб, 10 фоизини «Маҳалла бюджети» жамғармаларини шакллантиришга йўналтириш кўзда тутилганлиги инobatга олинсин.

12. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари А.Юнусов, туман иқтисодиёт ва молия бўлими (И.Акбаров), туман солиқ инспекцияси (И.Марайимов) биргаликда Қўштепа туманининг 2024 йилги маҳаллий бюджети лойиҳа-сида белгиланган кўрсаткичларни ўз вақтида ва самарали бажарилишини таъминлашсинлар.

13. Белгилансинки, туман маҳаллий бюджетининг қўшимча манбалари ҳисобидан амалга оширилаётган тадбирлар дастлабки тарзда ушбу тадбирларни умумлаштирувчи туман комиссияси томонидан кўриб чиқилади, комиссия хулосаси халқ депутатлари туман Кенгашига тақдим этиб борилади.

14. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари А.Юнусов, туман иқтисодиёт ва молия бўлими (И.Акбаров) биргаликда маҳаллий бюджетнинг қўшимча манбалари ҳисобидан амалга оширилаётган тадбирларни умумлаштирувчи туман комиссияси ишини самарали ташкил этиб борсин ҳамда туман маҳаллий бюджетининг қўшимча манбалари, жумладан, даромадлар режасини ошириб бажарилган қисмидан фойдаланиш

йўналишлари бўйича ҳар чорак якуни билан халқ депутатлари туман Кенгашига ахборот киритилишини таъминласин.

15. Туман иқтисодиёт ва молия бўлимига (И.Акбаров) бюджетдан ажратилган маблағларни мақсадли ишлатилишини назорат қилиш ва амалга оширилаётган ишлар юзасидан ҳар чоракда халқ депутатлари туман Кенгаши сессияларида ахборот бериб бориш вазифалари юклатилсин.

16. Туман бюджет маблағларини тақсимловчилар ҳар йили 15 январ кунига қадар бюджет маблағларининг самарали ва мақсадли сарфланганлиги, харажатларнинг амалий натижалари юзасидан йиллик фаолияти тўғрисида Халқ депутатлари туман Кенгашига ҳисобот бериб борсин.

Бунда, туман бюджет маблағларини тақсимловчилар:

- ўз тасарруфидаги тизимда бюджет интизомига амал қилиниши устидан назорат қилиш;

ўзларининг ва тасарруфидаги ташкилотларнинг жамланма харажатлар сметаси ва штат жадваллари, харажатлар сметаси ва штат жадваллари, жамланма даромадлар ва харажатлар, даромадлар ва харажатлар сметаларининг тўғри тузилиши;

бюджетдан ажратилган маблағларнинг мақсадли сарфланиши ва мақсадли индикаторларнинг тўлиқ бажарилиши;

тасарруфидаги тизим ташкилотларига бюджетдан ажратилаётган маблағларнинг тўғри тақсимланиши; бюджетдан ажратилган маблағлардан мақсадли ва самарали фойдаланиш, хусусан, иш ҳақи ва унга тенглаштирилган тўловлар, озиқ-овқат, дори-дармон, коммунал хизматлар ва давлат дастурлари учун белгиланган харажатлар тўлиқ режалаштирилиши ва ўз вақтида тўланиши;

даврий жамланма молиявий ҳисоботлар тўғри шакллантирилиши ва ўз вақтида тақдим этилиши учун шахсан масъул эканликлари белгилаб қўйилсин.

17. Туман ҳокимлиги ахборот хизмати (Ё.Қосимова), туман солиқ инспекцияси (И.Марайимов), туман иқтисодиёт ва молия бўлими (И.Акбаров) билан биргаликда оммавий ахборот воситаларида, ҳокимлик муассислигидаги газетада Қонунда белгиланган айрим солиқлар ва тўлов ставкалари, солиқ солиш тартиблари ҳамда бошқа маълумотларни эълон қилиниши ҳамда ҳокимликнинг расмий веб-сайтига жойлаштирилишини ташкил этсин.

18. Мазкур қарор тегишли оммавий ахборот воситаларида ёритилиши тавсия этилсин ҳамда туман ҳокимлигининг расмий веб-сайтига жойлаштирилсин.

19. Ушбу қарор расмий эълон қилинган кундан бошлаб кучга кирилади.

20. Мазкур қарор бажарилишини назорат қилиш халқ депутатлари туман Кенгашининг маҳаллий бюджетни шакллантириш ва ижро этиш, иқтисодий ислохотларни амалга ошириш ва тадбиркорликни ривожлантириш масалалари доимий комиссияси ҳамда туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари А.Юнусов зиммасига юклатилсин.

Кенгаш раиси И.В.НОВИКОВ

Газетамизнинг ўтган йилги охириги сонида халқ депутатлари туман Кенгашининг олт-миш иккинчи сессиясида туман маҳаллий бюджетнинг ўтган йилги ижроси, янги йилдаги тақсимотини асосий кўрсаткичлари ҳақида туман молиги бўлими мудири Иброҳимжон АКБАРОВнинг маърузаси муҳокама қилиниб, тасдиқлангани ҳақида хабар берган эдик. Ҳокимият фаолиятининг очиқлигини таъминлаш мақсадида қуйида маъруза матни тафсилот-лари ёритилмоқда.

Маъруза аввалида 2023 йилда бюджет даромадлари аниқланган режаси 177,4 миллиард сўм бўлиб, дастлабки ҳисоб-китобларга кўра, йил якунида унинг ижроси 178,8 миллиард сўмга, режага нисбатан 1,4 миллиард сўм орттирилган ҳолда 100,7 фоизга бажарилиши қўйилган таъкидланди. Шундан маҳаллий бюджет даромадлари 72,6 миллиард сўмни ташкил этиб, йил якунида унинг ижроси 76,7 миллиард сўмга, режага нисбатан 4,1 миллиард сўмга орттирилган ҳолда 105,6 фоизга бажарилиши қўйилган таъкидланди.

Нотиқ 2024 йил Давлат бюджетини шакллантиришда солиқ сиёсатининг асосий йўналишлари ҳақида алоҳида маълумот бериб, асосий солиқ турлари бўйича солиқ ставкалари ўзгаришсиз қолдирилганини маълум қилди:

-фойда солиғининг базавий ставкаси 15 фоиз, жисмоний шахслардан олинадиган даромад солиғи 12 фоиз, ижтимоий солиқ 12 фоиз (бюджет ташкилотлари учун 25 фоиз), айланмадан олинадиган солиқнинг базавий ставкаси 4 фоиз, қўшилган қиймат солиғи ставкаси 12 фоиз, юридик шахсларнинг мол-мулкига солинадиган солиқ ставкаси 1,5 фоиз миқдоридан сақлаб қолинади;

-маҳаллий цемент ишлаб чиқарувчиларнинг рақобатбардошлигини сақлаб қолиш мақсадида ер қазидан фойдаланганлик учун цемент ишлаб чиқаришга мўлжалланган оҳақтош бўйича белгиланган ставка 1 тоннаси учун 6 минг сўм белгиланмоқда (амалда 22,5 минг сўм эди).

Соғлом турмуш тарзи ва табиатни асрашни рағбатлантириш доирасида бир қатор таклифлар киритилмоқда. Жумладан, 2024 йил 1 апрелдан таркибда шакллантирилган газланган ичимликларнинг 1 литри учун 500 сўм, энергетик ва тетиклантирувчи ичимликлар 1 литри учун 2000 сўм миқдоридан акциз солиғи жорий этилмоқда. Ушбу акциз солиғидан тушган маблағлар тўлиғича тиббиётни ривожлантириш жамғармасига йўналтириш кўзда тутилмоқда.

Жаҳон Соғлиқни сақлаш ташкилоти таркибда шакллантирилган ва бошқа турдаги ширинлан-тирувчи моддалар қўшилган газланган алкогольсиз ичимликларни кўп истеъмол қилиш ортқича вазн пайдо қилиши, қандли диабет, кариес каби касалликларни кўпайишига сабаб бўлишини инобатга олиб, уларга қўшимча солиқ киритишни тавсия этган.

2024 йил 1 июлдан бошлаб автомобил шиналарининг бир донаси вазнидан келиб чиққан ҳолда базавий ҳисоблаш миқдорининг 0,3 фоизи (990 сўм) миқдоридан утилизация йиғимини жорий этиш таклиф қилинмоқда. Ушбу йиғимдан келиб тушган маблағлар ҳисобидан атроф муҳитни муҳофаза қилиш ва "Яшил макон" дастури доирасидаги лойиҳаларни молиялаштириш

режалаштирилмоқда. Бунда, шиналарнинг ўртача вазнидан келиб чиққан ҳолда утилизация йиғими миқдори энгил автомобиллар шиналарига 6,2 минг сўмдан 16,2 минг сўмга, юк автомобиллар шиналарига 11,3 минг сўмдан 58,8 минг сўмгача ташкил этади.

2024 йил 1 январдан сигареталар ҳамда бошқа тамаки маҳсулотлари ишлаб чиқариш учун акциз солиғи ставкалари 12 фоиз миқдоридан индексация қилинмоқда ҳамда сигареталар импортига акциз солиғи ставкалари 5 фоизга пасайтирилмоқда.

2024 йил 1 апрелдан бошлаб нефть маҳсулотлари учун амалдаги акциз ставкалари 12 фоизга индексация қилинмоқда, бунда АИ-91 ва ундан юқори октанли бензинга акциз солиғи ставкалари ўзгаририлмайди.

Қўшилган қиймат солиғининг тўлиқ занжирини яратиш мақсадида 2024 йилнинг 1 апрелидан бошлаб қўшилган қиймат солиғи бўйича дори воситалари, тиббиёт ва

мулк солиғини ҳисоблашда худди юридик шахсларга белгиланган солиққа тортиш каби бир хил тартиб жорий қилиш таклиф қилинмоқда. Ушбу тартиб нотурар жой учун мўлжалланган кўчмас мулк объектлари жисмоний ёки юридик шахсга тегишлилигидан қатъий назар, уларни солиққа тортишда тенг шароитлар яратиш мақсадида киритилмоқда.

Солиқ-бюджет сиёсатида кўзда тутилаётган ўзгаришлар ҳамда бюджет даромадларига таъсир кўрсатувчи омилларнинг ўзгариши, базавий ҳисоблаш миқдорини ҳамда меҳнатга ҳақ тўлашнинг энг кам миқдори ўсишини ҳисобга олинган ҳолда туман маҳаллий бюджет даромадлари прогнози 2024 йил учун 210 миллиард 991,4 миллион сўм ҳажмида белгиланмоқда.

Бунда, маҳаллий бюджет даромадлари ва харажатлари ўртасидаги фарқни қоплаш учун тартибга солувчи бюджетлараро трансфертлар кўзда тутилган бўлиб, 2024 йил учун 119 миллиард 353,6 миллион сўм, шундан 35 миллиард 290,8 миллион сўми акциз солиғи тушумлари ҳисобидан ажратиладиган маблағларни ташкил этган.

Маърузачи белгиланаётган прогнозларни солиқ турлари кесимида алоҳида шарҳлаб, жисмоний шахслардан олинадиган даромад солиғи 31

келинаётган қуйидаги харажатлар 2024 йилдан бошлаб республика бюджетига ўтказилмоқда:

-ижтимоий нафақалар (2023 йилда-73 миллиард 047,7 миллион сўм);

-фуқароларнинг ўзини-ўзи бошқариш органларини сақлаш харажатлари (2023 йилда 7 миллиард 90,7 миллион сўм);

-ёшлар етакчиларини чораклик мукофотлаш харажатлари ҳамда хотин-қизлар фаолларини моддий рағбатлантириш жамғармаси маблағлари.

Қонунга мувофиқ, Республика бюджетидан қуйидаги харажатлар маҳаллий бюджетларга ўтказилмоқда:

маҳаллий солиқ органларини сақлаш харажатлари-4 миллиард 587,3 миллион сўм;

Халқ қабулхоналарини сақлаш харажатлари-175,5 миллион сўм;

суд бошқарувчилари меҳнатига ҳақ тўлаш (солиқ органлари орқали) харажатлари маҳаллий бюджетдан молиялаштиришга ўтказилмоқда.

Шунингдек, 2024 йилдан бошлаб, Ўзбекистон Республикаси Президентининг 2022 йил 26 декабрдаги "Маҳалла бюджети" тизимини жорий этиш орқали маҳаллаларнинг молиявий имкониятини янада кенгайтириш бўйича қўшимча чора-тадбирлар тўғрисидаги қарори ижросини таъминлаш

I. Ижтимоий соҳа ва аҳолини ижтимоий қўллаб-қувватлаш харажатларига жами 141 миллиард 952,9 миллион сўм (умумий харажатларнинг 67,2 фоизи) ажратилиши назарда тутилмоқда. Бунда:

Мактабгача ва мактаб таълими соҳасига жами 39 миллиард 214,8 миллион сўм, жумладан: мактабгача таълим харажатларига 25 миллиард 624,2 миллион сўм (2023 йилга нисбатан 124,2 фоиз), умумий таълим харажатларига 13 миллиард 590,6 миллион сўм (2023 йилга нисбатан 134,1 фоиз) маблағ ажратилмоқда.

Соғлиқни сақлаш тизими харажатларига 97 миллиард 347,1 миллион сўм (2023 йилга нисбатан 124,6 фоиз) маблағ ажратилиши назарда тутилган.

Маданият соҳаси ташкилотлари харажатларига 1 миллиард 580,7 миллион сўм ва спорт соҳаси ташкилотлари харажатларига 3 миллиард 682,7 миллион сўм;

бошқа ижтимоий соҳа йўналишидаги харажатларга 127,7 миллион сўм маблағ режалаштирилмоқда.

II. Иқтисодий харажатларига жами 20 миллиард 606,4 миллион сўм (умумий харажатларнинг 9,7 фоизи назарда тутилмоқда.

Бунда, сув хўжалиги тизимидаги ташкилотлар харажатлари учун 2 миллиард 791,9 млн. сўм;

ободонлаштириш бошқармасини сақлаш харажатларига 9 млрд. 660,9 млн.сўм;

фермер хўжаликлари бухгалтерия марказига 316,5 млн. сўм;

ветеринария тизими ташкилотларига 1 миллиард 967,4 миллион сўм маблағ кўзда тутилмоқда.

Мазкур харажатлар таркибида Ўзбекистон Республикаси Президенти ва Ҳукумати қарорлари асосан Давлат дастурларида назарда тутилган тадбирларга:

ички хўжалик автомобил йўлларини таъмирлаш харажатларига 4,0 млрд сўм, (бунда мазкур харажатлар "Очиқ бюджет" ахборот портали орқали жамоатчилик фикри асосида йўналтирилиши кўзда тутилган).

Бундан ташқари «Маҳалла бюджети» жамғармаси харажатларига 1 миллиард 869,5 миллион сўм маблағ ажратилмоқда.

III. Харажатлар таркибида яна бир муҳим йўналишлардан бири сифатида давлат раҳбаримиз ташаббуслари билан жорий этилган "Ташаббусли бюджетлаштириш" жараёнига бу йил ҳам алоҳида эътибор қаратилиб, ушбу янги тартиб асосида туман маҳаллий бюджетига 22 миллиард 18,2 миллион сўм маблағ йўналтирилмоқда. (Бунда, мазкур харажатлар туман маҳаллий бюджети жами харажатларининг ўртача 12 фоизи миқдоридан режалаштирилмоқда).

Мамлакатимиз, жумладан, туманимиз аҳолиси фаровонлигини оширишнинг бирдан бир манбаи иқтисодий тараққиёт ва солиқ сиёсатини оғишмай амалга оширишга боғлиқ. Туманимизни виллоятимизнинг ривожланган худудлари қаторига чиқариш ҳар биримиздан замон руҳини қалбдан ҳис этган ҳолда фидойи меҳнат қилиши, интизомли солиқ тўловчи бўлишни тақозо этмоқда.

Туман маҳаллий бюджети: у қандай тақсимланади?

ФАРОВОНЛИКНИНГ МЕЗОНИ ИҚТИСОДИЙ ТАРАҚҚИЁТ ВА СОЛИҚ ИНТИЗОМИГА БОҒЛИҚ

ветеринария буюмлари ҳамда уларни ишлаб чиқариш учун четдан олиб келинган хомашё, тиббий ва ветеринария хизматларига белгиланган имтиёзларни бекор қилиш таклиф қилинмоқда. Бунда ижтимоий реестрга кирган фуқароларга харид қилинган дори воситалари ва кўрсатилган тиббий хизматлар бўйича тўланган қўшилган қиймат солиғини қайтариб бериш тартибини жорий этиш мўлжалланмоқда.

2024 йил 1 январдан қишлоқ хўжалиги ерларини суғориш ва балиқ етиштириш учун фойдаланиладиган сув ҳажми бўйича солиқ ставкасини бир метр куб ҳажми учун сув ўлчагичларисиз аъъанавий усулда суғоришда 100 сўм белгилаш таклиф қилинмоқда. Шу билан бирга, сув ўлчаш мосламалари асосида аниқланган сув ҳажмига нисбатан солиқ ставкасига 0,7 камайтириш коэффициенти қўллаш тартиби сақлаб қолинади. Бунда ўндирилган солиқ суммасининг бир қисми махсус сув хўжалиги хизматларига йўналтирилиши кўзда тутилмоқда. Фермерлар томонидан сув етказиб бериш бўйича сув хўжалиги махсус хизматларига тўловлар бекор қилинади.

2024 йил 1 январдан бошлаб айланмадан олинадиган солиқнинг қатъий белгиланган суммадаги солиқ ставкасини солиқ тўловчининг товар айланмаси 500 миллион сўмгача бўлганда йилига 25 миллион сўм (амалда 20 миллион сўм), 500 миллион сўмдан юқори бўлганда эса 34 миллион сўм (амалда 30 миллион сўм) миқдоридан белгиланмоқда.

2024 йил 1 январдан бошлаб жисмоний шахсларнинг нотурар объектлари учун мол-

миллиард 803,5 миллион сўм, истеъмолчиларга бензин, дизел ёқилғиси ва газ реализация қилишдаги акциз солиғи 8 миллиард 750,2 миллион сўм, жисмоний шахслардан олинадиган ер солиғи 17 миллиард 677,0 миллион сўм, юридик шахслардан ўндириладиган ер солиғи 4 миллиард 268,5 миллион сўм, юридик шахсларнинг мол-мулкига солинадиган солиқ 3 миллиард 664,0 миллион сўм, корхоналар айланмасидан олинадиган солиқ 9 миллиард 511,0 миллион сўмни ташкил этаётганини айтиб ўтди. Шунингдек, у жисмоний шахсларнинг мол-мулкига солинадиган солиқ 10 миллиард 522,0 миллион сўм, жарималар 1 миллиард 614,6 миллион сўм, сув ресурсларидан фойдаланганлик учун солиқ 2 миллиард 840,0 миллион сўм, яқка тартибдаги тадбиркорлар учун жисмоний шахслардан олинадиган даромад солиғи 845,0 миллион сўм, давлат мулки бўйича ижара тўловлари 142,0 миллион сўмни ташкил этаётганини маълум қилди.

Шундан сўнг нотиқ 2024 йил учун белгиланиши қўйилган харажатларга тўхталиб ўтди. "Хабарингиз бор, ўтган йиллардан бошлаб маҳаллий давлат ҳокимияти органларининг масъулияти ва манфаатдорлигини ошириш ҳамда ваколатларини кенгайтириш доирасида бир қатор харажатлар республикадан маҳаллий бюджетларга ва худудлар имкониятларини инобатга олиб айрим харажатларни республика бюджетига олиш бўйича бюджет сиёсати амалга оширилмоқда"— дейди у. Янги йил учун тасдиқланган Бюджет қонунига кўра, маҳаллий бюджетдан молиялаштириб

мақсадида, 2024 йилдан бошлаб маҳаллалардаги масалаларни ҳал этиш учун ҳар бир худудда «Маҳалла бюджети» жамғармаси ташкил этилиб, мазкур жамғармага жисмоний шахсларнинг мол-мулк ва ер солиғидан тушадиган тушумларнинг 10 фоизини йўналтириш режалаштирилган.

Бунда, ҳар бир маҳалла-нинг ўз маблағларини шакллантириш орқали "маҳалла еттилиги" қарори асосида маҳалладаги долзарб муаммолар, жумладан, ичимлик суви, электр таъминоти, ички йўлларни таъмирлаш ва ободонлаштириш билан боғлиқ муаммоларни қисман ҳал этиш имконияти яратилади. Шу билан бирга, эндиликда маҳаллалардаги нафақалар ва субсидиялар ҳам бевосита "маҳалла еттилиги" томонидан тайинланиши ушбу харажатлар манзилли сарфланишига ва энг аввало маҳалла институтларининг фуқаролар ҳаётидаги ролини янада оширишга хизмат қилади.

Маърузачи 2024 йилги харажатлар тақсимотига тўхталиб, 2024 йил учун Қўштепа тумани маҳаллий бюджетининг харажатлари 210 миллиард 991,4 миллион сўмни (2023 йилга нисбатан 96 фоиз) (бунда харажатларнинг камайиши юқорида санаб ўтилган республика бюджетига ўтган харажатлар ҳисобига юзага келган) ташкил этмоқда.

2024 йилда назарда тутилган харажатлар йўналишлар ва соҳалар кесимида Ўзбекистоннинг 2030 йилгача стратегиясида белгилаб берилган вазифаларни инобатга олган ҳолда ижтимоий соҳа устуворлигини инобатга олиб режалаштирилмоқда.

Расулulloх (с.а.в.) ҳадисларидан



Хурмони оч қоринга наҳорда
енглар, чунки у қуртларни
ўлдиради.

Ибн Аббос
(розияллоху анхумо)дан
Дайлабий ривояти.

Ҳар бир маст қилувчи ичим-
лик ҳаромдир.

Бухорий ва Муслим
ривояти.

Жам бўлиб овқат енглар.
Тарқоқ бўлиб еманглар. Чунки
барака тўпланиб еганлар
билан биргадир.

Ибн Можа ривояти.

Таомларингизни тортиб
ўлчанглар, шунда сизларга
барака ҳосил бўлади. (Яъни,
маълум ҳисобда рўзғорга
кетадиган нарсалар расам-
дини қилишга буюрилмоқда.
Чунки иқтисод қилиш ҳаёт
кечиришининг ярмидир).

Муслим ривояти.

Дунёда ғариб кишидек ёки
мусофирдек бўл. Ибн Умар:
“Агар кечлатсанг, тонг оти-
шини кутма. Агар тонг от-
тирсанг, кеч бўлишини кутма.
Касаллигинг учун соғлиқ пай-
тингда, ўлимнинг учун ҳаётлик
чоғингда ҳаракатингни қилиб
қол”, дер эдилар.

Ибн Умар
(розияллоху анхумо)дан
қилинган ривоят.

Ҳикматли сўз мўминнинг
йўқотган нарсасидир. У ҳик-
матли нарсани қаерда топса,
ўшани олишга ҳақлидир.

Абу Ҳурайра
(розияллоху анху)дан
қилинган ривоят.

Кавсар жаннатдаги дарё-
дир. Икки қирғоғи тилладан.
Дур ва ёқут устидан оқади.
Тупроғи мушки анбардан ҳам
хушбўйдир. Суви асалдан ҳам
мазали, қордан ҳам оқдир.

Ибн Умар
(розияллоху анхумо)дан
Ибн Можа ривояти.

Нафсини буйсундириб,
ўлимидан кейинги нарса учун
амал қилган киши оқилдир.
Ҳавои нафсига эргашиб,
Аллоҳдан омонликни талаб
қилган киши эса ожиздир.

Термизий ривояти.

“2002 ҳадис”дан.
(Ҳадиси шарифларда
одоб-ахлоқ зикри).
“Мунир” нашриёти.
Тошкент-2022 йил.

Saboq bekati



Оз-оздан ўрганиб
доно бўлур,
Қатра-қатра йиғилиб
дарё бўлур.

Алишер НАВОИЙ.

Ақли донош дейдиларки...

ЎТГАН ЙИГИТЛИК ОРЗУ БИЛАН ҚАЙТМАС

Сизларда йигитлик куч-қуввати бор
экан, уни зое кетказмасдан бурчингиз-
ни бажаришга сарфланг.

Юсуф ХОС ҲОЖИБ

Бўлар одам ёшида бош бўлар,
Бўлмас одам қирқида ҳам ёш бўлар.

Амир ТЕМУР

Ақлли ёш—кекса жоҳилдан яхши-
роқдир.

Йигитлик умр гулшанининг баҳоридур.

Ўтган йигитлик орзу билан қайтмас.
Алишер НАВОИЙ

Ёшлиқдин маълум ўлғай ҳар насл,
Ки баҳоридин билинғай яхши йил.

Рожий ҲЎҚАНДИЙ

Сучук жон шарбати то бўлса лабда,
Керакким бандаси бўлса талабда,
Белиннинг қуввати борда олиб бел,
Кўнгил боғин суғор кетмай туриб
сел.

Сўфи ОЛЛОЁР

Ёшлиқ тошқини сув, суғорадиган
экиннингизни суғориб қолмасангиз ўтиб
кетади. Кейин кексаликнинг кўзойна-
гини тақиб игна билан қудуқ қазиш-

дан иш чиқмайди.

Абдулла ҚАҲҲОР

Қадами заминни титратган қудрат—
ёшлиқ, қаноти самовотни забт этган—
ёшлиқ!

Ёшлиқсиз олам—баҳорсиз табиат,
қуёшсиз осмон, юлдузсиз кеча.

Эркин ВОҲИДОВ

“Инсоний фазилатлар ҳақида
ҳикматлар”дан.
“Янги аср авлоди”.
Тошкент-2019 йил.

Ақл-ақлдан қувват олар

ЯХШИ НИЯТ—ЯРИМ ДАВЛАТ

Ота-боболар кишига турмуш кечириш юзасидан
панд-насихат қиларканлар, ҳаётда умидсизланмас-
лик, руҳни тетик тутиб, кўнгилга яхши ниятларни,
орзу-истакларни жо қилган ҳолда келажак сари дадил
бориш зарурлигини уқтирадилар. “Яхши ният—ярим
мол”, “Ниятинг—йўлдошинг”, “Бугунги ният—эртанги
ҳақиқат”, “Кечани сўзлама, бугунни сўзла, бугун ҳам
ўтар, эртани кўзла”, “Эскини сўзлагунча, янгини кўз-
ла”, “Бугунни бир ўйласанг, эртани икки ўйла”, “Хаёл-
га келмаса, вужудга келмас”, “Юракда бўлса, билакда
билинади”, “Ҳавас билан ғайрат ўлчанади”, “Тоғни
тиласанг, тепадек беради”, “Яхши ният билан бирор
нарсага етишмоқни орзу қилмоқ—яхши”, деган маъно-
да насихат қиладилар.

“Ҳикматнома”дан.
Тошкент-1990 йил.

БАТАН МАНЗИЛЛАРИ



Кўхна Шарқ дарғалари



Ҳаёти...

Ўрта Осиё мўғуллар тарафидан
истило қилинган XIII-XIV асрларда
босқинчилар таҳқир ва таъқибига
қарамай, ўз она тилида ижод қилган
шоир, ёзувчи ва таржимонлардан
бири Сайфи Саройидир.

Сайфи Саройи 1321 йили Хоразмнинг
Қамишли деган жойида хунар-
манд-қуролсоз оиласида дунёга ке-
лади. Дастлабки билимини ўз юртида
олган Сайфи ўқишни давом эттириш
учун Олтин Урда давлатининг марка-
зи Сарой шаҳрига боради. Бу ерда у
қунт билан ўқийди, шоир сифатида
танилади.

Лекин ўзаро феодал урушларнинг
авж олиши, тахт-тож учун кураш-
нинг кучайиб кетганлиги туфайли у

юртини тарк этади. Сайфи Саройи
умрининг охири йилларини Мисрда
ўтказиб, тахминан 1396 йили шу ерда
вафот этган.

Унинг ҳаёт йўли ва ижодий мероси
ҳали мукамал ўрганилмаган. Адиб
меросини тўплашда филология фан-
лари номзоди Насрулло Даврон анча
хайрли иш қилган. Бизгача шоирнинг
бир қанча ғазал, қасида, рубоий ва
маснавийлари, “Сухайл ва Гулдуру-
сун” достони етиб келган. Бундан
ташқари Сайфи Саройининг 1391
йили Мисрда Саъдийнинг “Гулистон”
асарини ўзбек тилига таржима қил-
гани ҳам маълум. Бу Саъдий асари-
нинг туркий тилларга илк таржимаси
бўлиб, алоҳида қимматга эга. Чунки,
таржимон асл нусха матнига эркин-
роқ, ижодий ёндашган: асар услуби-
ни ўзбек насрига, халқ ҳикоятларига
яқинлаштирган, бир хил мазмун ва
ғояга эга бўлган ҳикоятлардан баъзи-
ларини тушириб қолдирган; муқад-
дима, хотима тарзда, наср оралиғида
келадиган панд-ҳикмат характе-
ридаги шеърларни кўпинча ихчам-
лаштирган, айрим ҳолларда ўзидан
янги байтлар қўшган. Аммо бу ўзгарти-
ришлар Саъдий асарининг туб моҳи-
ятига зарар етказмаган. Таржима
буюк санъаткорнинг халқпарварлик,
адолатсеварлик, касб-хунарга, илмга
меҳр қўйиш, ҳалолу пок, диёнатли,

САЙФИ САРОЙИ

хайр-эҳсонли бўлишга даъват каби
юксак ғояларини ўзбек халқига яқин-
лаштиришга хизмат қилади.

Сайфи Саройи ўз шеърларида
яхшилик, гузаллик ва чин инсоний
севгини, ҳаётга муҳаббатни куйлади,
маърифатни тарғиб этди, кишиларни
реал ҳаётга, эл-юртига меҳр қўйиш-
га чорлади. Асарларида ўзига хос
ранг-баранг бадийи-тасвирий восита-
ларни қўллайди, халқона ибораларни
ишлатади.

...**Ҳикмати**

Оқил ўз сўзин ўрнида сўзлагай,
Ҳам жавобини муносиб кўзлагай.

Сирингни кўнгулда сақлагил берк,
Мушфиқ сенга йўқ жаҳонда сентек.
Айтма деб ани бир кишига айтма,
Турмаским, ани эшитса тинч-тек.

Қил ҳазар душман сўзиндан, эй
рафиқ
Неким ул айтса, анинг аксини эт.

Аё, келган жаҳонга, эзгулик эт,
Ёмон ишни ёмонларга кўюб кет.

Ор кўрма билмаганни сўрмага,
Сўрмайинча илм ўрганмас киши.

“Кўхна Шарқ дарғалари”дан.
“Шарқ” нашриёт-матбаа
концерни бош таҳририяти.
Тошкент-1999 йил.

ISTIQBOL YO'LI

МУАССИС:
ҚўШТЕПА ТУМАНИ
ҲОКИМИЯТИ ВА ТАҲРИРИ-
ЯТ ИЖОДИЙ ЖАМОАСИ

Бош муҳаррир:
Умидахон ХУДОЙБЕРГАНОВА

Ўзбекистон Матбуот ва ахборот агентлиги
Фарғона вилояти бошқармаси томонидан 2007
йил 9 январда 12-012 рақами билан рўйхатга
олинган. Бичими А-3

МАНЗИЛИМИЗ:
151111,
Марғилон шаҳар,
Бобур номли маҳалла,
Соҳибкор кўчаси, 4-уй.
Телефон ва факс:
муҳаррир (55) 801-17-54

Газета
таҳририятнинг
компютерида
терилди ва
саҳифаланди.
Дизайнер:
Мухаммаданир ЮСУПОВ

«Полиграф-Пресс» МЧЖ
босмаҳонасида 3001
нускада чоп этилди.
Баҳоси келишилган нарҳда.
Манзил: Марғилон шаҳар,
Туркистон кўчаси,
236 «Б» уй.

Нашр кўрсаткичи:
64875

Буюртма № 10

Топшириш вақти 18.00
Топширилди 18.00

Ушбу сонга масъул:
Хадичахон КАРИМОВА

ISSN 2010-9253

